

Тропарь предпразднства, глас 4:

Написова́шеся иногда́ со ста́рцем Ио́сифом, / я́ко от се́мене
Дави́дова, в Вифле́еме Мари́ам, / чревонося́щи безсе́менное Рожде́ние. /
Наста́ же вре́мя Рожде́ства, / и ме́сто ни еди́ноже бе обита́лищу, /
но, я́коже кра́сная пала́та, верте́п Цари́це показáшеся. // Христос
ражда́ется прэ́жде па́дший воскресíti о́браз.

Кондак, глас 3:

Де́ва днесь Превéчное Сло́во / в верте́пе грядёт роди́ти неизрече́нно: /
лику́й, вселéнная, услы́шавши, / просла́ви со А́нгелы и па́стырьми //
хотя́щаго яви́тися Отроча́ Мла́до, Превéчнаго Бо́га.

1-й час

Глас 8:

Вифлеэме, уготóвися, / благоукра́ситеся, я́сли, / верте́пе, приими́:
И́стина при́иде. / Сень мимотечé, и Бог челове́ком от Дéвы яв́ися, /
вообрази́вся я́коже мы и обож́ив плоть. / Тем Ада́м обновля́ется, со
Е́вою зову́ще: // на земли́ благоволе́ние яв́ися спасти́ род наш.

Бог от ю́га при́идет / и Святы́й из Горы́ приосенéнныя ча́щи.

Глас 3:

Ны́не проро́ческое прорица́ние испо́лнится грядéт, / та́йно
глаго́лющее: / и ты, Вифлеэме, землé Иúдова, / ника́коже нарече́шися
мéнши во влады́ках, / предуготовля́ющи верте́п: / из тебе́ бо ми изы́дет
Игу́мен язы́ков во плóти, / от Дéвы Отрокови́цы Христóс Бог, / И́же
упасéт лю́ди Сво́я но́ваго Изра́иля; // дади́м Ему́ вси вели́чие.

***Гóсподи, услы́шах слух Твой и убо́яхся; / Гóсподи, разумéх дела́ Тво́я и
ужасóхся.***

Слава и ныне, глас 8:

Сия́ глаго́лет Ио́сиф к Дéве: / Мари́е, что де́ло сиé, е́же в Тебе́ зрю? /
Недоуме́ю, и удивля́юся, и умо́м ужаса́юся; / óтай у́бо от мене́ буди́
вскóре. / Мари́е, что де́ло сиé, е́же в Тебе́ ви́жу? / За честь – срамоту́,
за весе́лие – скорбь, / вме́сто е́же хвалíтися, укорíзну ми принесла́
еси́. / Ктому́ не терплю́ уже́ поноше́ний челове́ческих, / и́бо от иерéй из
Цéркве Госпо́дни я́ко непоро́чную Тя прия́х, // и что ви́димое?

Прокимен, глас 4:

Госпо́дь рече́ ко Мне: / Сын Мой еси́ Ты, Аз днесь роди́х Тя.

3-й час

Глас 6:

Сей Бог наш, / не вменится ин к Немю, / родивыйся от Девы, и с
человеки поживе; / во яслех убогих / Сын Единородный лежаще
видится человек / и пеленами повивается, Иже славы Господь. /
И волхвом звезда возвещает в Его поклонение. / И мы поим: // Троице
Святая, спаси души наша.

Бог от юга придет / и Святыи из Горы приосененныя чащи.

Глас 8:

Прежде Рождества Твоего, / трепетно зряще таинство Твое, Господи, /
разумная воинства дивляхуся: / якоже бо Младенец родится
благоизволил еси, / небо украсивый звездами, / и во яслех
безсловесных возлежиши, / дланию содержаи всея земли концы. /
Таковым бо смотрением уведено бысть милосердие Твое, Христе, //
веляи милость Твоя, слава Тебе.

***Господи, услышах слух Твой и убояхся; / Господи, разумех дела Твоя и
ужасохся.***

Слава и ныне, глас 3:

Иосифе, рцы нам: / како, Юже от святых приял еси, / Деву непраздну
приводиши в Вифлеем? / Аз, рече, пророки испытых / и, весть
прием от Ангела, уверихся, / яко Бога родит Мария несказанно; /
Емуже на поклонение волсви от востоков придут, / с дары
честными служаще. // Воплотивыйся нас ради, Господи, слава Тебе.

Прокимен, глас 4:

Отроча родися нам, / Сын, и дадеся нам.

6-й час

Глас 1:

Приидите, вернии, возведёмся Божественне / и видим схождение
Божественное свыше, / в Вифлееме к нам явленне, / и, умом
очистившись, житие принесём добродетели, / вместо мира
предуготовляюще верно рождественныя входы, / от душевных
сокровищ зовуще: / в Вышних слава Богу, / сущему в Троице, / Егоже
ради в человецех благоволение явися, // Адама избавляя первородныя
клятвы, яко Человеколюбец.

Бог от юга придет / и Святы́й из Горы́ приосенённые ча́щи.

Глас 4:

Слыши, Небо, и внуши, земле, / да подвижатся основания, / да
примут трепет преисподняя: / яко Бог же и Творец в плотское
одеяся здание, / и Иже державною рукою создавый тварь, / утробы
зрится здание. / О, глубина богатства, и премудрости, и разума
Божия! / Яко неиспытаны судьбы Его // и неизследованы пути Его.

***Господи, услышах слух Твой и убояхся, / Господи, разумех дела Твоя и
ужасохся.***

Слава и ныне, глас 5:

Приидите, христоноснии людие, да видим чудо, / всякий разум
ужасающее и обдержажее, / и, благочестно воспевающе, вернии,
поклонимся. / Днесь к Вифлеему непраздна сущи Дева приходит
родити Господа, / лица же Ангельстии предтекут. / И, сия видев,
вопяше Иосиф обручник: / что еже в Тебе странное таинство, Дево? //
И како хочещи родити, Неискусобрачная Юнице?

Прокимен, глас 4:

Из чрева прежде денницы роди́х Тя, / кля́тся Господь и не раскáется.

9-й час

Глас 7:

Удивля́шеся Ёрод, зря волхво́в благоче́стие, / и, гнёвом побежда́емь, / лёта испытáше разстоя́ния; / ма́тери безча́дствуемы быва́ху, / и безвре́менный во́зраст младе́нцев го́рце пожина́шеся, / сосцы́ ссыха́хуся, и исто́чницы млéчнии удержа́вахуся, / ве́лие бяше лю́тое. / Те́мже благоче́стно, ве́рнии, соше́дшеся, // поклон́мся Христо́ву Рожде́ству́.

Бог от ю́га при́дет / и Святы́й из Горы́ приосене́нныя ча́щи.

Глас 2:

Егда́ Ио́сиф, Де́во, печа́лию уязвля́шеся, / к Вифле́ему идя́, вопия́ла еси́ к нему́: / что́ Мя зря непраз́дну дря́хлуеши и смуща́еши, / не ве́дый всяко́ е́же во Мне стра́шнаго та́инства? / Проче́е отложи́ страх всяк, пресла́вное познава́я: / Бог бо низхо́дит на зе́млю ми́лости ра́ди, / во чре́ве Моём ны́не а́ще и плоть прия́т. / Его́же, ражда́ема, у́зриши, я́коже благоизво́ли, / и, ра́дости испо́лнися, поклон́шися я́ко Зижди́телю тво́ему, / Его́же А́нгели пою́т непреста́нно // и славосло́вят со Отце́м и Ду́хом Святы́м.

Го́споди, услы́шах слух Твой и убоя́хся; / Го́споди, разумéх дела́ Твоя́ и ужасо́хся.

Слава и ныне, глас 6:

Днесь ражда́ется от Де́вы / руко́ю всю содержа́й тварь, / пелена́ми, я́коже зе́мен, повива́ется, / Ё́же существо́м неприкоснове́нен Бог. / В я́слех возлежи́т / утверди́вый Небеса́ сло́вом в нача́лах, / от сосце́в млеко́м пита́ется, / Ё́же в пусты́ни ма́нну одожди́вый лю́дем, / волхвы́ призыва́ет Жени́х церко́вный, / да́ры сих прие́млет Сын Де́вы. / Покланя́емся Рожде́ству́ Тво́ему, Христе; / покланя́емся Рожде́ству́ Тво́ему, Христе; / покланя́емся Рожде́ству́ Тво́ему, Христе: // покажи́ нам и Божество́нная Твоя́ Богоявле́ния.

Прокимен, глас 4:

Ма́ти Сио́н рече́т: / Челове́к, и Челове́к роди́ся в нем.